



CONVENIO DE COLABORACIÓN ENTRE A AXENCIA DE TURISMO DE GALICIA E OS CONCELLOS DE ALLARIZ E VILAR DE SANTOS PARA O DESENVOLVEMENTO E EXPLOTACIÓN DO PRODUTO TURÍSTICO CENTRO BTT ALLARIZ-VILAR DE SANTOS

En Santiago de Compostela

REUNIDOS

Dunha parte, D. Román Rodríguez González, en calidade de presidente da **Axencia de Turismo de Galicia**, en virtude do establecido na disposición adicional primeira do Decreto 106/2018, do 4 de outubro, polo que se modifica parcialmente o Decreto 177/2016, do 15 de decembro, polo que se fixa a estrutura orgánica das consellerías da Xunta de Galicia, e o Decreto 196/2012, do 27 de setembro, polo que se crea a Axencia de Turismo de Galicia e apróbanse os seus estatutos, en relación co Decreto 97/2018, que dispón o seu nomeamento como conselleiro de Cultura e Turismo e no exercicio das facultades que resultan do artigo 3 do Decreto 196/2012

Doutra parte, D^a María Cristina Cid Fernández, alcaldesa do **Concello de Allariz**, que intervéen en nome e representación do citado concello, con CIF P3200200H e con domicilio na Praza Maior nº 1, 32660 Allariz (Ourense). A súa lexitimación e representación para este acto deriva da súa condición de Alcaldesa do Concello de Allariz, en virtude do nomeamento efectuado polo Pleno Municipal de data 21 de xuño de 2018 e con facultades para subscribir o presente Convenio de acordo co establecido nos artigos 21.1 da Lei de Bases do Réxime Local.

E doutra parte, D. Xoa Xosé Jardón Pedras, alcalde do Concello de **Vilar de Santos** que intervéen en nome e representación do citado concello, con CIF P3209100 e con domicilio na Estrada de Celanova nº 77, 32650 Vilar de Santos (Ourense). A súa lexitimación e representación para este acto deriva da súa condición de Alcalde do Concello de Vilar de Santos, en virtude do nomeamento efectuado polo Pleno Municipal de data 13 de xuño de 2015 e con facultades para





subscribir o presente Convenio de acordo co establecido nos artigos 21.1 da Lei de Bases do Réxime Local.

As partes comparecentes recoñécense plena lexitimación, capacidade e representación para a sinatura do presente convenio de colaboración e para estes efectos.

EXPOÑEN

I.- Que a Axencia Turismo de Galicia correspóndelle o impulso e o desenvolvemento da actividade turística, a mellora do sector turístico, e a creación, implantación e adecuación de novos produtos e recursos turísticos. E especialmente no que se refire ao presente convenio, correspóndelle posibilitar novos produtos turísticos no ámbito rural galego conforme se establecen nos seus fins constitucionais.

II.- Que as liñas de traballo actuais da Axencia Turismo de Galicia apostan polo impulso do turismo activo nas diferentes comarcas de Galicia, segundo principios de xestión sostible e ligadas á aparición de novas demandas turísticas específicas, neste caso orientadas ao uso e práctica da bicicleta de montaña a través da creación dunha rede de Centros BTT (bicicleta todo terreo). O ciclismo constitúe un medio adecuado para satisfacer as demandas de turistas que buscan un lecer ligado ao contacto co medio rural, non agresivo coa natureza e que permita á súa vez unha práctica deportiva.

III.- Que un centro BTT se define como un produto turístico destinado a promocionar a práctica da bicicleta de montaña. Consta dun ou varios centros de recepción e información (Punto de Acollida), onde se ofrecen servizos tales como alugueiro de material, taller de reparacións, limpeza e outros, así como información turística de carácter xeral sobre o destino e específica das rutas ciclistas. Forman tamén parte do Centro BTT un conxunto de rutas convenientemente sinalizadas que discorren polos arredores do centro e clasificadas pola súa diferente lonxitude e dificultade.





IV.- Que os Concellos de Allariz e Vilar de Santos dispoñen dunha oferta variada de recursos paisaxísticos e naturais, arquitectónicos e culturais, así como unha oferta suficiente en servizos e equipamentos de tipo turístico sendo este territorio unha contorna favorable para implantar e desenvolver este novo produto turístico. Desta maneira o Centro BTT Allariz-Vilar de Santos está axudando a mellorar e reforzar o desenvolvemento turístico da comarca.

V.- Que por outro lado, cabe indicar a necesaria vinculación e participación dos axentes locais que, vinculados ao desenvolvemento rural ou á promoción turística, traballan diariamente coa Administración Local e os axentes privados. Esta subsidiariedade é necesaria neste proxecto, onde a Axencia Turismo de Galicia ampara e apoia iniciativas locais e comarcais de desenvolvemento rural e turístico.

A estes efectos, a Axencia Turismo de Galicia promove a creación dunha Rede de Centros BTT Galicia, creando a seguinte marca rexistrada: “Centro (s) BTT Galicia”.

Pola súa banda, os Concellos de Allariz e Vilar de Santos actuarán como titulares do Centro BTT Allariz-Vilar de Santos, cuxos Puntos de Acollida situaranse no Camping Municipal de Allariz con domicilio Urb. Estrada de Celanova, 32660 Allariz (Ourense), e no Centro Social de Vilar de Santos con domicilio na Estrada de Celanova 77, 32650 Vilar de Santos (Ourense), baixo as cláusulas que posteriormente se detallan.

É por iso que as entidades acordan formalizar o presente convenio, conforme as seguintes

CLÁUSULAS

PRIMEIRA.- OBXECTO

O obxecto do presente convenio é establecer o réxime de colaboración entre a Axencia Turismo de Galicia e os Concellos de Allariz e Vilar de Santos para o desenvolvemento e explotación do produto turístico denominado Centro BTT Allariz-Vilar de Santos. Este produto está integrado na





rede de Centros BTT Galicia de ámbito autonómico promovida pola Axencia Turismo de Galicia, que se atopa actualmente en fase de desenvolvemento.

SEGUNDA.- ACCIÓNS A DESENVOLVER

As accións a realizar conxuntamente para o desenvolvemento e crecemento do Centro BTT Allariz-Vilar de Santos axustaranse ás seguintes liñas estratéxicas:

- 1- Accións de mellora da calidade do destino turístico tales como: contorno urbano e paisaxístico próximo ao Centro BTT, Punto de Acollida, sinalización das rutas e mantemento destas.
- 2- Accións de creación, desenvolvemento e promoción do produto Centro BTT Allariz-Vilar de Santos, e todas as accións derivadas do anterior (publicidade, convenios ou protocolos de colaboración con entidades públicas e/ou privadas, clubs ou asociacións deportivas, federacións, realización de marchas cicloturistas e/ou competicións deportivas, etc...).
- 3- Accións para o fortalecemento e desenvolvemento do tecido empresarial turístico que poidan desenvolverse ao redor do produto BTT.
- 4- Accións dirixidas a fixar e aplicar criterios de control de calidade e mellora continua do produto.
- 5- Accións para o desenvolvemento, coñecemento e implantación da marca “Centro BTT Allariz-Vilar de Santos” e por tanto da marca de Rede de “Centro (s) BTT Galicia”.
- 6- Accións para a posta en marcha dun sistema de xestión turística do destino.





- 7- E todas aquelas accións dirixidas ao cumprimento dos obxectivos previstos no presente convenio.

TERCEIRA.- COMPROMISOS QUE ASUME O CONCELLO DE ALLARIZ COMO TITULAR DO CENTRO BTT ALLARIZ-VILAR DE SANTOS

- 1- Manter como Punto de Acollida do Centro BTT Allariz-Vilar de Santos o Camping Municipal de Allariz durante o período de vixencia deste convenio así como manter os actuais horarios de apertura.
- 2- Poñer a disposición deste proxecto os medios humanos e materiais necesarios para o seu adecuado desenvolvemento, explotación, mantemento, control e seguimento, de conformidade cos requisitos mínimos de funcionamento dun Centro BTT Galicia.
- 3- Cumprir con todos os requisitos fixados no Manual de Identidade Corporativa dos Centros BTT Galicia, en todo o que fai referencia ao deseño de equipamento, instalacións, sinalética, imaxe, material promocional e informativo do Centro BTT Allariz-Vilar de Santos.
- 4- Compatibilizar a práctica da BTT, dentro do seu concello, polas rutas sinaladas do Centro BTT Allariz-Vilar de Santos, con calquera outro tipo de actividade lúdica, deportiva ou cinexética.
- 5- Acatar todas as directrices emanadas dende a Axencia Turismo de Galicia referentes, ben ao Centro BTT Allariz-Vilar de Santos, ben á Rede de Centros BTT Galicia, cumprindo os prazos marcados nestas.





- 6- Cumprir, tanto no momento da subscripción do convenio como durante toda a vixencia do mesmo, cos requisitos e estándares de calidade determinados no Plan de Calidade, Mantemento e Mellora Continua dos Centros BTT de Galicia.
- 7- En coordinación coa Axencia Turismo de Galicia, manter o bo estado de toda a infraestrutura, así como organizar eventos lúdico-deportivos anuais que axuden a dinamizar o Centro BTT.
- 8- Encargarse do adecuado mantemento e conservación das rutas, realizando como mínimo dúas limpezas anuais dos percorridos sinalizados e a eventual reposición da sinalización das mesmas.
- 9- Facilitar e colaborar na realización das auditorías externas a realizar con carácter periódico segundo o Plan de Calidade, Mantemento e Mellora Continua.
- 10- Elaborar un informe detallado da xestión económica anual do Centro BTT Allariz-Vilar de Santos, reflectíndose as cantidades ingresadas por este, desagregadas en conceptos unitarios, tales como alugueiros, venda de merchandising, etc...
- 11- Asumir a contratación da cobertura de riscos e danos a terceiros correspondentes á explotación do Centro BTT Allariz-Vilar de Santos. En calquera caso, a Axencia Turismo de Galicia queda exonerada de calquera responsabilidade derivada dunha prestación defectuosa dos servizos prestados polo Centro BTT Allariz-Vilar de Santos, asumindo, no seu caso, o concello a dita responsabilidade en exclusiva.
- 12- Obter calquera tipo de licenzas e autorizacións que sexan precisas para calquera actividade que se desenvolva ao amparo e coa colaboración do Centro BTT Allariz-Vilar de Santos.





- 13- Esixir aos organizadores de marchas ou rutas BTT que utilicen as instalacións do Centro BTT Allariz-Vilar de Santos que contraten a cobertura de riscos para a dita actividade.
- 14- Asignar un responsable con coñecementos de xestión dentro do Concello de Allariz para o proxecto Centro BTT Allariz-Vilar de Santos, interlocutor directo coa Axencia Turismo de Galicia e a Oficina Técnica dos Centros BTT Galicia. Así como a asignación de persoal cualificado para a xestión do Punto de Acollida onde se centralicen os servizos deste produto turístico.
- 15- Asumir o compromiso de achega económica anual para a xestión do Centro BTT Allariz-Vilar de Santos pola cantidade económica e prazo de tempo aos que se refiren as cláusulas quinta e sexta respectivamente.

CUARTA.- COMPROMISOS QUE ASUME O CONCELLO DE VILAR DE SANTOS COMO TITULAR DO CENTRO BTT ALLARIZ-VILAR DE SANTOS

- 1- Manter como Punto de Acollida do Centro BTT Allariz-Vilar de Santos o Centro Social de Vilar de Santos durante o período de vixencia deste convenio así como manter os actuais horarios de apertura.
- 2- Poñer a disposición deste proxecto os medios humanos e materiais necesarios para o seu adecuado desenvolvemento, explotación, mantemento, control e seguimento, de conformidade cos requisitos mínimos de funcionamento dun Centro BTT Galicia.
- 3- Cumprir con todos os requisitos fixados no Manual de Identidade Corporativa dos Centros BTT Galicia, en todo o que fai referencia ao deseño de equipamento, instalacións, sinalética, imaxe, material promocional e informativo Centro BTT Allariz-Vilar de Santos.





- 4- Compatibilizar a práctica da BTT, dentro do seu concello, polas rutas sinaladas do Centro BTT Allariz-Vilar de Santos, con calquera outro tipo de actividade lúdica, deportiva ou cinexética.
- 5- Acatar todas as directrices emanadas dende a Axencia Turismo de Galicia referentes, ben ao Centro BTT Allariz-Vilar de Santos, ben á Rede de Centros BTT Galicia, cumprindo os prazos marcados nestas.
- 6- Cumprir, tanto no momento da subscripción do convenio como durante toda a vixencia do mesmo, cos requisitos e estándares de calidade determinados no Plan de Calidade, Mantemento e Mellora Continua dos Centros BTT de Galicia.
- 7- En coordinación coa Axencia Turismo de Galicia, manter o bo estado de toda a infraestrutura, así como organizar eventos lúdico-deportivos anuais que axuden a dinamizar o Centro BTT.
- 8- Encargarse do adecuado mantemento e conservación das rutas, realizando como mínimo dúas limpezas anuais dos percorridos sinalizados e a eventual reposición da sinalización das mesmas.
- 9- Facilitar e colaborar na realización das auditorías externas a realizar con carácter periódico segundo o Plan de Calidade, Mantemento e Mellora Continua.
- 10- Elaborar un informe detallado da xestión económica anual do Centro BTT Allariz-Vilar de Santos, reflectíndose as cantidades ingresadas por este, desagregadas en conceptos unitarios, tales como alugueiros, venda de merchandising, etc...
- 11- Asumir a contratación da cobertura de riscos e danos a terceiros correspondentes á explotación do Centro BTT Allariz-Vilar de Santos. En calquera caso, a Axencia





Turismo de Galicia queda exonerada de calquera responsabilidade derivada dunha prestación defectuosa dos servizos prestados polo Centro BTT Allariz-Vilar de Santos, asumindo, no seu caso, o concello a dita responsabilidade en exclusiva.

- 12- Obter calquera tipo de licenzas e autorizacións que sexan precisas para calquera actividade que se desenvolva ao amparo e coa colaboración do Centro BTT Allariz-Vilar de Santos.
- 13- Esixir aos organizadores de marchas ou rutas BTT que utilicen as instalacións do Centro BTT Allariz-Vilar de Santos que contraten a cobertura de riscos para a dita actividade.
- 14- Asignar un responsable con coñecementos de xestión dentro do Concello de Vilar de Santos para o proxecto Centro BTT Allariz-Vilar de Santos, interlocutor directo coa Axencia Turismo de Galicia e a Oficina Técnica dos Centros BTT Galicia. Así como a asignación de persoal cualificado para a xestión do Punto de Acollida onde se centralicen os servizos deste produto turístico.
- 15- Asumir o compromiso de achega económica anual para a xestión do Centro BTT Allariz-Vilar de Santos pola cantidade económica e prazo de tempo aos que se refire a cláusula quinta e sexta respectivamente.

QUINTA.- FINANCIAMENTO

Os concellos de Allariz e Vilar de Santos destinarán durante os anos de vixencia do convenio un máximo de DEZ MIL EUROS (10.000,00 €) anuais, IVE incluído, para a realización de todos aqueles traballos necesarios para manter o bo estado de toda a infraestrutura, así como a organización dos eventos lúdico-deportivos que poidan celebrarse ou calquera outro tipo de acción promocional. O Concello de Allariz fará unha achega de 5.000,00 € anuais e o Concello de Vilar de Santos fará unha achega de 5.000,00 € anuais.





Os Concellos de Allariz e Vilar de Santos como titulares do Centro BTT Allariz-Vilar de Santos, en coordinación coa Oficina Técnica BTT Galicia, serán os que xestionen este importe para levar a cabo os traballos descritos anteriormente, traballos que terán que ser aprobados mediante orzamento presentado e avaliado por ambas as dúas partes.

Unha vez realizados os traballos aprobados, ambos concellos estarán obrigados a facer o pagamento das facturas que correspondan nos 30 días posteriores á presentación das mesmas por parte dos provedores e estarán obrigados a enviar unha copia da factura e do xustificante do pagamento realizado á Oficina Técnica BTT Galicia para o seu control. Antes da finalización de cada ano, a Oficina Técnica enviará aos concellos de Allariz e Vilar de Santos un informe sobre as accións executadas con cargo a este orzamento.

No caso de que se produza a prórroga do convenio, segundo se establece na cláusula décima terceira, o compromiso de todas as partes manterase en DEZ MIL EUROS (10.000,00 €) por cada ano, coa distribución establecida nesta mesma cláusula.

SEXTA.- COMPROMISO DE ESTABILIDADE DO TITULAR DO CENTRO BTT

Dado o interese turístico do proxecto, considérase necesario que a aposta por este Centro BTT Allariz-Vilar de Santos e manteña a longo prazo, polo que se considera imprescindible estar en condicións de asegurar e mellorar a xestión do centro desde o punto de vista da prestación do servizo e da calidade e a mellora constante durante a vixencia do presente convenio.

Aos efectos de acreditar esa calidade na xestión, por parte da Axencia Turismo de Galicia faranse as auditorías periódicas ao centro para que avalíen o grao de cumprimento dos parámetros da calidade esixida ás que se fai referencia no punto 8 das cláusulas terceira e cuarta, podendo derivarse do incumprimento dos parámetros citados a resolución do presente convenio.





SÉTIMA.- COMPROMISOS QUE ASUME A AXENCIA TURISMO DE GALICIA

- 1- Liderar e desenvolver a Rede de Centros BTT Galicia. A dita rede irase despregando de acordo coas disponibilidades anuais fixadas nos programas de actuacións da Axencia de Turismo de Galicia.
- 2- Poñer a disposición dos titulares do Centro BTT Allariz-Vilar de Santos os servizos e capacitación da Oficina Técnica dos Centros BTT Galicia para o asesoramento necesario. A Oficina será a responsable de facer as tarefas de supervisión e control deste Centro.
- 3- Levar a cabo, en colaboración cos titulares do Centro BTT Allariz-Vilar de Santos, e a través dos programas de formación que desenvolva a Axencia de Turismo de Galicia, as actuacións formativas que resulten precisas para a mellor prestación do servizo por parte do Centro BTT Allariz-Vilar de Santos.
- 4- Facilitar e promover a consecución, por parte do Centro BTT Centro BTT Allariz-Vilar de Santos, das diferentes certificacións de calidade a través das políticas de calidade desenvolvidas pola Axencia de Turismo de Galicia.
- 5- Dotar ao Centro BTT Allariz-Vilar de Santos dunha imaxe de marca, de acordo co manual de imaxe corporativa de Centros BTT Galicia.
- 6- Difundir, publicitar e promocionar con todos os medios ao seu alcance o produto turístico da Rede de Centros BTT Galicia e neste caso o Centro BTT Allariz-Vilar de Santos.
- 7- Establecer os contactos necesarios cos axentes vinculados ao sector BTT a efectos de mantelos informados da iniciativa obxecto do presente convenio e facilitar posibles colaboracións futuras.





OITAVA.- COMISIÓN DE SEGUIMIENTO

Para o seguimento do convenio, da súa execución, ou coñecemento de calquera cuestión sobre a súa interpretación, modificación, resolución ou efectos que poidan xurdir, créase unha Comisión de Seguimento para que, de mutuo acordo, resolva o procedente. Esta comisión estará integrada por un representante designado por cada unha das partes asinantes.

A súa actuación axustarase ao establecido na Lei 40/2015, do 1 de outubro, do Réxime Xurídico do Sector Público, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

NOVENA.- PUBLICIDADE E AUTORIZACIÓN E CONSENTIMENTO PARA QUE SE PUBLIQUEN OS DATOS PERSOAIS E DEMAIS ESPECIFICACIÓNS QUE FIGURAN NO CONVENIO.

1. Nas actividades ou actuacións que se realicen en desenvolvemento do presente convenio farase constar de maneira expresa e clara a participación da Axencia Turismo de Galicia. Tamén poderán figurar outras institucións públicas e/ou axentes privados que participen no financiamento das citadas actividades.

2. O réxime de publicidade do convenio será o establecido na Lei 1/2016, do 18 de xaneiro, de transparencia e bo goberno, a Axencia Turismo de Galicia. A sinatura do convenio leva implícita a autorización para o tratamento necesario dos datos e a referida publicidade.

Asemade procederase a inscrición do convenio no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.





3. As partes asinantes autorizan e consenten a publicidade dos seus datos persoais e demais especificacións recollidas no presente instrumento de colaboración no Portal da Transparencia e Goberno Aberto.

Segundo o artigo 15 da Lei 1/2016, de 18 de xaneiro, ademais da información que debe facerse pública segundo a normativa básica en materia de transparencia, a Axencia Turismo de Galicia publicará o texto íntegro do convenio.

DÉCIMA.- VIXENCIA DO CONVENIO

O presente convenio terá unha duración de CATRO ANOS (4), prorrogable por acordo expreso con polo menos un mes de antelación a súa finalización, por un período doutros catro anos.

DÉCIMA PRIMEIRA.- NATUREZA XURÍDICA E XURISDICIÓN COMPETENTE.

Este convenio ten natureza administrativa, e queda fora do ámbito Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, que os exclúe expresamente no artigo 6.1.

Será competente para entender os litixios que puidesen xurdir respecto da súa interpretación e execución, en primeira instancia a comisión de seguimento establecida na cláusula oitava, e en última instancia a xurisdición contencioso-administrativa.

DÉCIMA SEGUNDA – MODIFICACIÓN E RESOLUCIÓN

1. As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.

2. Serán causas de resolución do presente convenio:





- O incumprimento do seu obxecto.
- O incumprimento total ou parcial de calquera das cláusulas que nel se establecen.
- O transcurso do tempo estipulado sen que se culminen as actividades acordadas.
- A decisión xudicial declarativa da nulidade do convenio.
- O acordo unánime de todos os asinantes.

DÉCIMO TERCEIRA.- NOTIFICACIÓN ELECTRÓNICA

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

En proba de conformidade de canto antecede, as partes asinan este documento dixitalmente

Román Rodríguez González

Presidente da Axencia de Turismo de Galicia

María Cristina Cid Fernández

Alcaldesa do Concello de Allariz

Xoan Xosé Jardón Pedras

Alcalde do Concello de Vilar de Santos

